

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-843/13
Sarajevo, 25.07.2013. godine

Z A P I S N I K
16. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 25. jula 2013. godine

Sjednica je počela u 16.06 nakon završetka 16. sjednice.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Predsjedavajući je podsjetio delegate da je 12 članova Kluba delegata hrvatskog naroda na osnovu člana 88. stav 1. Poslovnika o radu Doma naroda Parlamenta Federacije BiH podnijelo pisani prijedlog za zakazivanje vanredne sjednice na kojoj bi se razmatrali: Prijedlog Odluke o izboru članova u Vijeće za zaštitu vitalnog interesa u Ustavnom sudu Federacije BiH, Prijedlog Odluke o preuzimanju osnivačkih prava nad univerzitetsko-kliničkim bolnicama u Federaciji BiH i Nacrt Zakona o budžetima u Federaciji BiH.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Zamjenik predsjednika Kluba delegata hrvatskog naroda Luka Faletar je, u ime Kluba delegata hrvatskog naroda, izjavio da je razlog za zakazivanje ove sjednice potreba razmatranja prve predložene tačke kako bi se popunilo Vijeće za zaštitu vitalnog interesa u Ustavnom sudu Federacije BiH da bi moglo odlučivati o pitanjima od vitalnog nacionalnog interesa. Također, razlog za razmatranje druge tačke je potreba donošenja predložene odluke kako bi klinički centri u Sarajevu, Mostaru i Tuzli mogli aplicirati za određene projekte i potreba davanja saglasnosti na ove statute do 10.8.2013. godine. Razlog za razmatranje treće tačke je potreba započinjanja aktivnosti u vezi sa novim zakonom o budžetima u Federaciji BiH.

U raspravi o predloženom dnevnom redu učestvovali su: Mira Ljubijankić, predsjednica Kluba delegata srpskog naroda, koja je predložila da se u dnevni red ove sjednice uvrsti donošenje zaključka o formiranju kluba delegatkinja Doma naroda Parlamenta Federacije BiH, Amir Zukić, predsjednik Kluba delegata bošnjačkog naroda, Elvira Abdić-Jelenović, Damir Čardžić koji je predložio da se prije početka svake sjednice Doma naroda intonira himna Bosne i Hercegovine i Vesna Saradžić.

O prijedlozima Mire Ljubijankić i Damira Čardžića se nije glasalo.

Nakon toga je predsjedavajući, na osnovu rezultata glasanja, konstatovao da je Dom naroda Parlamenta Federacije BiH, sa 43 glasa za i uz tri uzdržana glasa, usvojio sljedeći:

DNEVNI RED

1. Prijedlog Odluke o izboru članova u Vijeće za zaštitu vitalnog interesa u Ustavnom sudu Federacije BiH,
2. Prijedlog Odluke o preuzimanju osnivačkih prava nad univerzitetsko-kliničkim bolnicama u Federaciji BiH,
3. Nacrt Zakona o budžetima u Federaciji BiH.

1. Prijedlog Odluke o izboru članova u Vijeće za zaštitu vitalnog interesa u Ustavnom sudu Federacije BiH

Predsjedavajući je podsjetio delegate da se Vijeće za zaštitu vitalnog interesa u Ustavnom sudu Federacije BiH sastoji od sedam članova, po dva iz reda svakog konstitutivnog naroda i jednog iz reda ostalih. Sudije biraju Predstavnički dom i Dom naroda.

Predstavnički dom Parlamenta Federacije BiH je na 21. sjednici, održanoj 24. jula 2013. godine, donio Odluku o izboru članova u Vijeće za zaštitu vitalnog interesa u Ustavnom sudu Federacije BiH kojom su za članove Vijeća izabrani: **Sead Bahtijarević, Domin Malbašić, Mladen Srdić i Edin Muminović.**

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, jednoglasno (47 glasova za), donio Odluku o izboru članova u Vijeće za zaštitu vitalnog interesa u Ustavnom sudu Federacije BiH kojom su za članove Vijeća izabrani: **Sead Bahtijarević, Domin Malbašić, Mladen Srdić i Edin Muminović.**

2. Prijedlog Odluke o preuzimanju osnivačkih prava nad univerzitetsko-kliničkim bolnicama u Federaciji BiH

Vlada Federacije je Parlamentu Federacije BiH dostavila Prijedlog Odluke radi razmatranja i donošenja.

Predstavnički dom Parlamenta Federacije BiH je na 21. sjednici, održanoj 24. jula 2013. godine, donio Odluku o preuzimanju osnivačkih prava nad univerzitetsko-kliničkim bolnicama u Federaciji BiH.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, jednoglasno (41 glas za i pet uzdržanih glasova), donio Odluku o preuzimanju osnivačkih prava nad univerzitetsko-kliničkim bolnicama u Federaciji BiH.

3. Nacrt Zakona o budžetima u Federaciji BiH

Vlada Federacije je Parlamentu Federacije BiH dostavila Nacrt Zakona radi razmatranja.

Predstavnički dom Parlamenta Federacije BiH je na 21. sjednici, održanoj 24. jula 2013. godine, razmatrao Nacrt Zakona i Zaključkom ga prihvatio te je stavljen na javnu raspravu.

Nacrt Zakona je obrazložio Ante Krajina, federalni ministar finansija.

U raspravi su učestvovali: Predrag Kojović, Elvira Abdić-Jelenović i Zijat Mušić.

Sa 43 glasa za i uz jedan uzdržani glas, predsjedavajući je konstatovao da je Dom naroda Parlamenta Federacije BiH usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o budžetima u Federaciji BiH i smatra da može poslužiti kao osnova za izradu prijedloga Zakona.
2. Zadužuje se predlagač da provede javnu raspravu u trajanju 15 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi i na sjednici Doma naroda.

Sjednica je završena u 16.46.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Radoje Vidović